



**NUNATTA
EQQARTUUSSISUUNEQARFIATA
EQQARTUUSSUTAATA
EQIKKARNERA**
nalunaarutigineqarpoq ulloq 1. septembari 2026

Suliaq BS-49550/2024-GLR
(Eqqartuussivimmi allatseqarfik)

Greenland Minerals A/S
(eqqartuussissuserisoq Peter Schradieck eqqartuussissuserisorlu
Jimmy Skjold Hansen)

illuatungeralugit

1. Naalakkersuisut, Inuussutussarsiornermut, Niuernermut,
Aatsitassarsiornermut, Inatsisinik Atuutsitsinermut Naligiissitaanermullu
Naalakkersuisoqarfik
2. Klima- Energi- og Forsyningsministeriet (suliaq atorunnaarsinneqarpoq
ulloq 17. novembari 2025)
3. Aatsitassarsiornermut Aqutsisoqarfik
4. Naalakkersuisut Siulittaasuata Naalakkersuisoqarfia
5. Naalakkersuisut, Nunalerinermut, Imminut Pilersornermut, Nukissiuutitut
Avatangiisinullu Naalakkersuisoqarfik
6. Aatsitassarsiorneq pillugu Avatangiisinut Aqutsisoqarfik
7. Inatsisartut sinnerlugit Siulittaasoq Mimi Karlsen aamma
8. Namminersorlutik Oqartussat

(tamarmik eqqartuussissuserisumit Paw Bladt Fruerlundimit
eqqartuussissuserisumillu Sune Fugleholmimit sullinneqarlutik)

Nunatta Eqqartuussisuuneri Kirsten Thomassen, Annette Dellgren aamma Ole Dybdal suliareqqitassanngortitsinermi aalajangiinermi peqataapput.

Piumasaqaatit

Suliami matumani, ulloq 23. maaji 2024 Nunatsinni Eqqartuussivimmi suliaassanngortinneqartumi tassanngaanniillu Nunatta Eqqartuussisuuneqarfianut innersuunneqartumi, Greenland Minerals A/S ("GM") ima piumasaqarpoq:

"Piumasaqaat 1: Suliassanngortinneqartut – ataatsimoorlutik aamma/imaluunniit tamarmik immikkut – akuerissavaat suliassanngortitsisoq kingusinnerpaamik ulloq 1. septembari 2021 Kalaallit Nunaata Kujataata Kitaani Kuannersuarimi sumiiffimmi Misissueqqaarnissaq pillugu akuersissummut nr. 2010/02-mut atatillugu (kingusinnerusukkut nutarsarneqartumut naleqqussarneqartumullu) piaanissamut akuersissummik nalunaarfigineqarnissamik inatsisitigut pisinnaatitaaffeqartoq:

(a) pingaarnertut nunameersunik qaqutigoortunik, zinkimik, flusspatimik aamma uranimik piaanissamut (tassa piiaanissamut niuerniutissatullu atugassamut), tassa thorium atortussiassallu allat piiarneqartut nioqqutissatut sinneruttutut suliarineqassammata (tassa nioqqutissaammata peerneqartussat nioqqutissatullu atorneqassanatik);

(b) pingaannginnertut nunameersunik qaqutigoortunik, zinkimik, flusspatimik aamma uranimik piaanissamut (tassa piiaanissamut niuerniutissatullu atugassamut), tassa thorium atortussiassallu allat piiarneqartut nioqqutissatut sinneruttutut suliarineqassammata (tassa nioqqutissaammata peerneqartussat nioqqutissatullu atorneqassanatik).

Piumasaqaat 2: Suliassanngortinneqartut – ataatsimoorlutik aamma/imaluunniit tamarmik immikkut – akuerissavaat § 1, § 2 aamma § 5, imm. 2 Uranimik il. il. misissueqqaarnermut, ujaasinnermut piiaanermullu inerteqquteqarneq pillugu Inatsisartut inatsisaanni nr. 20, 1. decembari 2021-meersumi:

(a) pingaarnertut Kalaallit Nunaata Kujataata Kitaani Kuannersuarimi sumiiffimmi Misissueqqaarnissaq pillugu akuersissummut nr. 2010/02-mut (kingusinnerusukkut nutarsarneqartumut naleqqussarneqartumullu) atatillugu suliassanngortitsisumut aamma/imaluunniit atatillugu atuutinngitsut;

(b) pingaannginnertut Kalaallit Nunaata Kujataata Kitaani Kuannersuarmi sumiiffimmi Misissueqqaarnissaq pillugu akuersissummut nr. 2010/02-mut (kingusinnerusukkut nutarsarneqartumut naleqqussarneqartumullu) atatillugu suliassanngortitsisumut aamma/imaluunniit atatillugu atuutinngitsut.

Piumasaqaat 3: Suliassanngortinneqartut – ataatsimoorlutik aamma/imaluunniit tamarmik immikkut – akuerissavaat Naalakkersuisut ulloq 1. juuni 2023 aamma ulloq 8. septembari 2023 suliassanngortitsisup Kalaallit Nunaata Kujataata Kitaani Kuannersuarmi sumiiffimmi Misissueqqaarnissaq pillugu akuersissummut nr. 2010/02-mut atatillugu (kingusinnerusukkut nutarsarneqartumut naleqqussarneqartumullu) piaanissamut akuersissummik nalunaarfigineqarnissamik noqqaassutaannut tunngatillugu aalajangerat atuutinngitsaq, aamma Naalakkersuisut:

(a) pingaarnertut peqquneqassasut Kalaallit Nunaata Kujataata Kitaani Kuannersuarmi sumiiffimmi Misissueqqaarnissaq pillugu akuersissummut nr. 2010/02-mut atatillugu (kingusinnerusukkut nutarsarneqartumut naleqqussarneqartumullu) nunameersunik qaqutigoortunik, zinkimik, flusspatimik aamma uranimik piaanissamut (tassa piaanissamut niuerniutissatullu atugassamut), tassa thorium atortussiassallu allat piiarneqartut nioqqutissatut sinneruttutut sularineqassammata (tassa nioqqutissaammata peerneqartussat nioqqutissatullu atorneqassanatik) piaanissamut akuersissummik suliassanngortitsisumut tunniussinissamik;

(b) pingaannginnertut peqquneqassasut nunameersunik qaqutigoortunik, zinkimik, flusspatimik aamma uranimik piaanissamut (tassa piaanissamut niuerniutissatullu atugassamut), tassa thorium atortussiassallu allat piiarneqartut nioqqutissatut sinneruttutut sularineqassammata (tassa nioqqutissaammata peerneqartussat nioqqutissatullu atorneqassanatik) piaanissamut akuersissummik suliassanngortitsisumut tunniussinissamik;

(c) sulilu pingaannginnertut peqquneqassasut suliassanngortitsisup Kalaallit Nunaata Kujataata Kitaani Kuannersuarmi sumiiffimmi Misissueqqaarnissaq pillugu akuersissummut nr. 2010/02-mut atatillugu 7 (kingusinnerusukkut nutarsarneqartumut naleqqussarneqartumullu) piaanissamut akuersissummik nalunaarfigineqarnissamik noqqaassutaannut tunngatillugu sularinneqqinnissamik tamatumanilu siunertaassalluni noqqaassutinik taakkuninnga ataasiakkaaraluni nalileeqqinnissaq kiisalu suliarni Eqqartuussivimmi eqqartuussut (utertitsinissaq) tunngavigalugu tamanna pillugu aalajangiinissaq.

Piumasaqaat 4 [naqqinneqartoq ulloq 6. juuli 2026]:
 Suliassanngortinneqartut - pingaarnertut ataatsimoorlutik,
 pingaannginnertut tamarmik immikkut - akuerissavaat
 suliassanngortitsisumut aningaasaqarnikkut
 uppersaaserneqarsinnaasumik annaasaqarneq sunaluunniit pillugu
 taarsiissuteqarnissartik uku pissutigalugit:

(1) Naalakkersuisut kingusinnerpaamik ulloq 1. decembari 2021 Kalaallit Nunaata Kujataata Kitaani Kuannersuarimi sumiiffimmi Misissueqqaarnissaq pillugu akuersissummut nr. 2010/02-mut atatillugu 7 (kingusinnerusukkut nutarsarneqartumut naleqqussarneqartumullu) piaanissamut akuersissummik suliassanngortitsisumut nalunaaruteqannginnerat; pingaarnertut nunameersunik qaqutigoortunik, zinkimik, flusspatimik aamma uranimik piaanissamut (tassa piaanissamut niuerniutissatullu atugassamut), tassa thorium atortussiassallu allat piiarneqartut nioqqutissatut sinneruttutut sularineqassammata (tassa nioqqutissaammata peerneqartussat nioqqutissatullu atorneqassanatik) piaanissamut akuersissummik suliassanngortitsisumut tunniussinissamik; pingaannginnertut nunameersunik qaqutigoortunik, zinkimik, flusspatimik aamma uranimik piaanissamut (tassa piaanissamut niuerniutissatullu atugassamut), tassa thorium atortussiassallu allat piiarneqartut nioqqutissatut sinneruttutut sularineqassammata (tassa nioqqutissaammata peerneqartussat nioqqutissatullu atorneqassanatik) piaanissamut akuersissummik suliassanngortitsisumut tunniussinissamik;

(2) Uranimik il.il. misissueqqaarnermut, ujaasinermut piaanermullu inerteqquteqarneq pillugu Inatsisartut inatsisaanni nr. 20, 1. decembari 2021-meersumik tunngavilersorluarneqanngitsumik aamma/imaluunniit suliassanngortinneqartup Kalaallit Nunaata Kujataata Kitaani Kuannersuarimi sumiiffimmi Misissueqqaarnissaq pillugu akuersissummut nr. 2010/02-mut atatillugu (kingusinnerusukkut nutarsarneqartumut naleqqussarneqartumullu) piaanissamut akuersissummik noqqaassuteqarneranut siunnerfeqartumik akuersissuteqarneq, tassunga ilanngullugu pingaartumik uranimut tunngatillugu inatsimmi § 1, imm. 2-mi annertussuttip killissarititaanik akuersissuteqarneq;

(3) Naalakkersuisut ulloq 1. juuni 2023 aamma ulloq 8. septembari 2023 aalajangiinnermini suliassanngortitsisup Kalaallit Nunaata Kujataata Kitaani Kuannersuarimi sumiiffimmi Misissueqqaarnissaq pillugu akuersissummut nr. 2010/02-mut atatillugu (kingusinnerusukkut nutarsarneqartumut naleqqussarneqartumullu) piaanissamut akuersissummik nalunaarfigineqarnissamik noqqaassutaanut tunngatillugu itigartitsinerat;

(4) suliassanngortitsisup Kalaallit Nunaata Kujataata Kitaani

Kuannersuarmi sumiiffimmi Misissueqqaarnissaq pillugu akuersissummut nr. 2010/02-mut atatillugu (kingusinnerusukkut nutarsarneqartumut naleqqussarneqartumullu) piaanissamut akuersissummik nalunaarfigineqarnissamik ulloq 17. juuni 2019 aamma 16. decembari 2022 noqqaassutaani allaatigineqartutut suliassanngortitsisup piiaanissamik sulianiutinik (piiaalluni ingerlatanik) aallartitaaneramik kinguartitsineq; aamma

(5) suliassanngortitsisup Kalaallit Nunaata Kujataata Kitaani Kuannersuarmi sumiiffimmi Misissueqqaarnissaq pillugu akuersissummut nr. 2010/02-mut atatillugu (kingusinnerusukkut nutarsarneqartumut naleqqussarneqartumullu) piaanissamut akuersissummik nalunaarfigineqarnissamik ulloq 17. juuni 2019 aamma 16. decembari 2022 noqqaassutaani allaatigineqartutut piiaanermik suliniutip nalinganik tamakkiisumik ilaannakuusumilluunniit annaasaarnek, tassunga ilanngullugu suliassanngortitsisup pisinnaatitaaffiini nuussinikkut aatsitassarsiornek pillugu inatsimmut aamma/imaluunniit Kalaallit Nunaata Kujataata Kitaani Kuannersuarmi sumiiffimmi Misissueqqaarnissaq pillugu akuersissummut nr. 2010/02-mut atatillugu (kingusinnerusukkut nutarsarneqartumut naleqqussarneqartumullu) piaanissamut akuersissummut naapertuuttumik.”

Aatsitassarsiornermut Aqutsisoqarfik (suliassanngortinneqartoq 3) Naalakkersuisut Siulittaasuata Naalakkersuisoqarfia (suliassanngortinneqartoq 4) Naalakkersuisut, Nunalerinnermut, Imminut Pilersornermut, Nukissiuutitut Avatangiisinullu Naalakkersuisoqarfik (suliassanngortinneqartoq 5) Aatsitassarsiornek pillugu Avatangiisinut Aqutsisoqarfik (suliassanngortinneqartoq 6) Inatsisartut sinnerlugit Siulittaasoq Mimi Karlsen (suliassanngortinneqartoq 7) aamma Namminersorlutik Oqartussat (suliassanngortinneqartoq 8) piumasaqarput itigartitsisoqassasoq, pingaanninnertullu pinngitsuutitsisoqassasoq. Suliassanngortinneqartut taakkua arfinillit itigartitsisoqarnissaanik piumasaqaatiminni siullertut eqqaavaat Naalakkersuisut kisimik, suliassanngortinneqartoq 1, eqqortumik eqqartuussisunut sassartinneqarsimasut.

Ulloq 11. februaari 2026 Nunatta Eqqartuussisuuneqarfia aalajangerpoq eqqartuussisunut sassartitsinermit eqqartuussisarnermik inatsimmi § 217-imi piumasaqaatit eqqortinneqartut, suliassanngortinneqartullu sassartitseqqusissutip imarisaanik akerliliinerat tunngavissiiingilaq eqqartuussisarnermik inatsimmi § 218 naapertorlugu suliamik itigartitsinissamut. Nunatta Eqqartuussisuuneqarfia tamatuma saniatigut aalajangerpoq Naalakkersuisut kisimik eqqortumik suliassanngortinneqarsimanersut pillugu apeqqut immikkut ittumik immikkoortillugu suliarineqassasoq eqqartuussisarnermillu inatsimmi § 191, imm. 2, naggat kingulleq, naapertorlugu aalajangiiffigineqassasoq.

Illuatungeriit isumaqatigiinngissutiginnigilaat suliassanngortinneqartoq 1 suliassanngortinneqartuusoq eqqortoq. Nunatta Eqqartuussisuuneqarfiata taamaattumik suliassanngortinneqartut 3-8 aamma suliassanngortinneqartuunersut eqqortut kisiat isummerfigissavaa. Suliassanngortinneqartoq 2 pillugu ataani suliamik saqqummiussinermut innersuussisoqarpoq.

...

Nunatta Eqqartuussisuuneqarfiata tunngavilersuinera inerniliussaalu:

Suliassanngortinneqartoq 7, Inatsisartut, pillugu

Ulloq 9. novembari 2021 Uranimik il.il. misissueqqaarnermut, ujaasinermut piiaanermullu inerteqquteqarneq pillugu Inatsisartut inatsisaattut siunnersuut Inatsisartut akuerivaat. Inatsit ulloq 1. decembari 2021 Inatsisartuni Siulittaasumit atsiorneqarpoq ullorlu 2. decembari 2021 atuutilerluni.

Greenlands Minerals A/S-ip ulloq 20. aprili 2026 eqqartuussivimmut allakkamini ilaatigut allappaa Inatsisartut akisussaaffigisinnaasaat suliassanngortitsisup piumasaqaataanut 2-mut uranilu pillugu inatsisip inatsimmut tunngaviusumut akerliuneranut tunngatillugu tunngavilersuutitut immikkut atassuteqartoq, tassunga ilanngullugu urani pillugu inatsisip piulerneranut atuutilerlunullu atatillugu inatsisiortut pissaanerit ingerlatsisullu pissaanerit akulerunneqartut inatsimmut tunngaviusumut akerliusumik.

Inatsimmi tunngaviusumi § 63, ingerlatsinermut oqartussaasut killeqarfii pillugit apeqqutinik sunilluunniit eqqartuussiviit suliarinnillutillu aalajangiisinnaatitaaffeqarnerat, Inatsisartut inatsisaannik akuersinermut atuutinngilaq ingerlatsinermut oqartussaasut inatsimmik atuutsitsinerat pineqanngimmat. Danmarkimi eqqartuussisaaseq aalajangersimasoq malillugu suliani inatsisip inatsimmut tunngaviusumut naapertuutinnginnera pissutigalugu atuutinnginneranik akuersaarnissamik piumasaqaatitallit statsministeri ministereqarfilluunniit akisussaasoq illuatungeralugu suliassanngortinneqartarpoq. Tamatumunnga naapertuuttumik Inatsisartut suliami matumani suliassanngortitaanngillat eqqortut.

Nunatta eqqartuussisuuneqarfiata taamaattumik Inatsisartut pinngitsuutitsisoqarnissaanik piumasaqaataat malippaa.

Suliassanngortitaq 8, Namminersorlutik Oqartussat, pillugu

Greenland Minerals A/S-ip ulloq 20. aprili 2026 eqqartuussivimmut allakkamini ilaatigut allappaa Namminersorlutik Oqartussat tassaasoq Kalaallit Nunaanni inatsisiliortut inatsimmillu atuutsitsisut pillugit ataatsimut

taaguutaat, tassa Inatsisartut Naalakkersuisullu, Namminersorlutillu Oqartussanik akulerutsitsineq pisariaqartoq Greenland Minerals A/S-ip iliuutsit iliuuserineqartussaannngitsullu pillugit piumasaqaatai oqartussaasunik taakkuninnga uranilu pillugu inatsisip piulerneranut, akuerineqarneranut atuutsinneqarneranullu atatillugu taakkua akornanni suleqatigiinnermik akulerutsitsimmata.

Namminersorlutik Oqartussat pillugit inatsimmi nr. 473, 12. juuni 2009-meersumi § 1 naapertorlugu ilaatigut Namminersorlutik Oqartussat suliassa qarfinni tiguneqarsimasuni inatsisiliortuullutillu inatsisinik atuutsitsisuupput. Tamatumunnga naapertuuttumik inatsisiliornermik pissaaneq Inatsisartuniippoq inatsisinillu atuutsitsinermik pissaaneq Naalakkersuisuniilluni.

Illuatungeriit isumaqatigiissutigivaat Naalakkersuisut (suliassanngortinneqartoq 1) suliassanngortitaasut eqqortut, nunattalu eqqartuussisuuneqarfiata, tak. qulaani allassimasut, Inatsisartut (suliassanngortinneqartoq 7) pinngitsuutippai.

Tamanna tunngavigalugu Namminersorlutik Oqartussat suliassanngortitaanngillat eqqortut.

Nunatta eqqartuussisuuneqarfiata taamaattumik Namminersorlutik Oqartussat pinngitsuutitsisoqarnissaanik piumasaqaataat malippaa.

Suliassanngortinneqartunut 3-6 tunngatillugu Nunatta Eqqartuussisuuneqarfiata eqqartuussisut suliassanik allassimaffimmi ulloq mannameersumi aalajangernera innersuussutigineqarpoq.

Suliami inernerusoq malillugu Greenland Minerals A/S-ip suliami aningaasartuutit pillugit eqqartuussissuserisunut aningaasartuutininik matussusiinertut 150.000 kr.-it Inatsisartunut Namminersorlutillu Oqartussanut akilissavai. Suliap naleqarnerata pingaaruteqarneratalu saniatigut aningaasat pillugit aalajangersaanermi innimigineqarput allakkat tunngavigalugit apeqqutini immikkoortoq pillugu isumaqatigiinniuteqarnek kisimi pineqartoq illuatungeriillu marluk taakku eqqartuussissuserisumik ataatsimik sinniisoqartut.

TAAMAATTUMIK EQQORTUUTINNEQARPOQ:

Inatsisartut Namminersorlutillu Oqartussat pinngitsuutinneqarput.

Greenland Minerals A/S-ip sapaatit-akunneri sisamat iluanni suliami aningaasartuutit pillugit 150.000 kr.-it Inatsisartunut Namminersorlutillu Oqartussanut akilissavai. Aningaasat ernialersorneqassapput ernialersuisarneq

pillugu inatsimmi § 8 a malillugu.

Publiceret til portalen d. 01-09-2026 kl. 08:55

Modtagere: Advokat (H) Sune Fugleholm, Advokat (H) Peter Schradieck,
Advokat (H) Jimmy Skjold Hansen, Advokat (H) Paw Bladt Fruerlund